

諸淋洗敷貼等藥治之庶得消散若不散可服  
內消丸消之或隔蒜灸之

馬刀瘡亦生於項腋之間下脇延及陰勝形如瘰  
癧而長於瘰不可認作流注治之皆肝胆怒鬱  
之所致也俱當清肝胆之火調氣開鬱以鹹軟  
之劑附之繼以養氣血流動經絡之劑收功不  
可徒務班猫等毒劑攻逐致成癆怯慎之

柴胡連翹湯 治男婦瘰癧馬刀瘡

柴胡 連翹 知母 黃芩 黃柏  
酒炒 各五錢

生地 炙甘草 中桂 大力子  
各三錢 一分

瞿麥穗 川歸尾  
各六錢 一分

右剉如麻豈大每服三錢或五錢水二大盞煎  
至一盞去渣食後熱服

薄芎丹 解瘰癧風熱之毒自小便出毒後常須  
服此

薄芎 皂角 連翹 蔓荊子 荊芥  
不蛀者 去絃皮

京三稜 何首烏  
煨 米泔浸 各一兩

右為末好豉二兩半以米醋煎沸灑豉淹令軟

研如糊和丸桐子大每服三十九食後熱水下  
每日一服病雖愈仍常服以消餘毒

神秘散 治瘰癧

班猫 去頭足翅翅

荆芥穗

直姜蚕 炒去

黑丑 微炒取末

右為細末每服一錢五更好酒調下日中當取  
下惡物如不下次日五更再進一服或更不下  
第三日五更先食秫米粥一碗次服此藥其毒  
決下如小便痛澁以葱茶解之或木通燈草煎

湯導之

楊氏家藏方頭晚先將活石末一錢用  
米飲調服半夜時又一服至五更服神

秘散看虛實或二三錢第三日仍以灯心湯調  
琥珀末一錢如小便痛用青黛一錢甘草湯調

下即止

蝙蝠散 治瘰癧多年不瘥

蝙蝠 筒一 猫頭 筒一 右同燒作灰撒土黑薑其

骨灰化為細末濕即乾摻乾則油調敷之內服

五香連翹湯効

白卷蛇散 治九漏瘰癧發於項腋之間或痛或

不痛



白朮酒浸去皮

生犀角二錢

牽牛半生半炒一兩

青皮五錢 右為末每服一錢入膩粉五分五更

糯米飲調服已時下惡物乃瘰癧之根也更候

十日再服一服忌發風熱毒物已成瘡者一日

便見效

四聖散 瘰癧服白朮蛇散轉利後此藥調之末

去其根 海藻洗 石決明煨 羌活

瞿麥穗各等分 右為細末每服二錢米湯調下

清水盡為度

散腫潰堅湯 治馬刀瘡結硬如石或在耳下至

缺盆中或至肩上或於脇下皆手足少陽經中

及瘰癧遍於頰或至頰車堅而不潰在足陽明

經中所出或二瘡已破乃流膿水並皆治之卧

時服藥斟酌病人飲食多少大便硬以意消息

治之

昆布 桔梗各半兩 廣茂微炒 京三稜酒洗

連翹各三錢 升麻六分 黃連 白芍 葛根各三錢

歸尾 柴胡 甘草各五分 龍胆草酒洗炒



黃芩

酒洗一錢五分  
一半生一半炒

右每服六錢先水浸半

日煎熱服于卧處伸足在高處頭微低每噀一

口作十次噀至服畢依常安卧取藥在胸中停

留也 另配半料為細末煉蜜為丸荒豈大每

服一百丸或一百五十九丸就以此藥送下

瞿麥飲子 治癩瘰馬刀此方須久服乃効

瞿麥穗

斤半

連翹

斤

每服一兩水煎食後服

海藻丸

治癩瘰生於頭項上交接名蛇盤瘰宜

當早治之

海藻菜

薈麥

白羌蚕

微炒去

右等分為細末海藻菜旋炒研篩湯泡白杏取

肉減半用所泡湯為丸如梧子大每服六七十

丸食後臨卧米飲送下其毒自大便泄出若与

淡菜連服為妙蓋淡菜生於海藻上亦治此病

忌豆腐鷄羊酒麪日五六服

蜂房膏

治熱毒氣毒結成癩瘰

露蜂房

炙

蛇蛻

玄參

蛇床子

黃芪

各三錢

杏仁

二兩半

亂髮

鷄子大

飛丹

黃蠟

各二兩

先將前五味剉細綿裹用酒少許浸一宿勿令



酒多用油半斤內杏仁亂髮煎髮消盡瀝去渣  
再煎然後下丹蠟再熬成膏傾倒於磁盆中取  
貼瘡上一日一換

獨即散 治氣毒癰瘰心膈壅悶不下飲食

楨即 前胡 赤茯苓 牛旁子炒各一兩 人參

只壳炒去白 沉香 防風各五錢 炙甘草二錢

每服五錢生姜一片水煎服

射干連翹湯 治癰瘰寒熱

射干 連翹 玄參 赤芍 木香 升麻

前胡 山梔仁 川歸 炙甘草各一兩 大黃炒二兩

每服五錢水煎服氣盛加芒硝少許服之

括萎子散 治癰瘰初腫疼痛寒熱四肢不寧

括萎子 連翹 何首烏 大力子微炒

大黃微炒 皂角子仁 白礬壳 梔子仁

牽牛微炒 甘草生各一兩

為細末食後溫酒下二錢

內消丸 瘡腫初生及癰瘰結核熱毒鬱滯服令

內消大効

青皮

陳皮

牽牛

取頭末各二兩

薄荷葉

八兩

皂角

八兩不蛀者去粗皮槌碎水煮軟搽汁熬膏

右為末以皂角

膏和為丸荒豎大每服三十九食後荆芥湯下

皂角煎丸

治風毒癩瘰

皂角

不蛀者三十條內十條泡黑十條每條用十條水煮軟搽汁用

何首烏

玄參

薄荷葉

各四兩

右為末與前膏子同煉

蜜為丸碗豆大每服三四十九食後白湯下

紫胡通經湯 治小兒項側有瘡堅而不潰名曰

馬刀

紫胡

歸尾

生甘草

連翹

黃芩

牛旁子

京三稜

桔梗

各一錢半

黃連

一錢

紅朮

少許

水二中煎服此方亦治癩瘰乃是攻

裡內消之劑

消腫瘡

治馬刀瘡

黃耆

括萎根

各一錢半

連翹

三錢

歸尾

紅朮

少許

甘草

各一錢

右分作二帖水煎服

十香膏

治五發惡瘡結核癩瘰疔瘻疔痔

沉香

射香

各一錢

木香

丁香

乳香



甘松 霍香 零陵香 安息香 白芷 各五錢 為細末

川歸 川芎 黃耆 木通 芍藥 細辛

升麻 白歛 獨活 川椒 藁本 菖蒲

木別子 厚朴 商陸根 官桂 栝子仁

菴仁 松子仁 杏仁 各五錢 槐枝 桑枝

柳枝 松枝 各二兩 沒藥 輕粉 雄黃 硃砂

雲母石 犀角 血餘灰 枯礬 各二兩 另研末

真酥油 羊腎脂 猪脂 各二兩 飛丹 一斤

麻油 三斤 右如常法煎成膏藥以緋帛攤貼

如腸胃癰疽可作九子如梧子大每服七九空心溫酒吞

救苦勝靈丹 治馬刀挾癭從耳下或耳後下頭

至肩或入缺盆中者乃手足少陽經之分野

其癰瘰在於頰下或至頰車乃足陽明經之分

野受心脾之邪而作也今將二証合治之

黃耆 一錢 護皮毛 實腠理 活血氣 實表補元氣 乃瘡家之聖藥 真漏芦 五分

人參 三分 補肺氣 如氣短 及不調而喘者加之 升麻 一錢 歸身 三分

葛根 五分 此三味俱是陽明本經藥 甘草 五分 能調中和 諸藥瀉火益胃



連翹

無一錢散此味乃十二經瘡中之藥不可

牡丹皮

中和血生血

生地

熟地

各三分此

白芍藥

能散結聚如陰症瘡瘍用之此寒

寒証

勿用

內桂 因熱用之意又為陰寒覆蓋其瘡

用辛熱去之

燥者勿用

柴胡

功同連翹如瘡不

黍粘子

腫三分無

昆布

甚者用能軟堅也

京三稜

炮二分

廣茂

用之此二味瘡堅硬甚者

獨活

防風

各一錢此二味勻羌活必開手足

辛溫如瘡在膈上難無手足太陽症亦當黃連

炒三分

神曲

消七分食不

麥牙

一錢消

益智仁

二分如唾多者胃不和也或吐沫

厚朴

姜炒一錢二分

黃栢

炒三分如熱或腿膝

衣者此腎中伏

右為細末湯浸蒸餅捏作餅

子晒乾搗如米粒大每服三錢白湯下如氣不

順加橘紅甚者加木香少許量病人虛實消息

之丑令藥多妨其飲食此治之大法也如止在

陽明分者去柴胡黍粘子餘皆用之如在少陽

分為馬刀挾瘦獨活漏芦升麻葛根加瞿麥三



分 如本人氣素弱其病勢來時氣盛而不短  
促不可因其平素宜作氣盛治之乃從病變治  
之權也加黃芩黃連黃栢知母防已視邪氣上  
中下擇而用之假令在上焦止用黃芩半酒洗  
在中焦加黃連如在下焦加酒製黃栢防已之  
類 如大便不通滋其邪盛者加酒製大黃利  
之 如大便燥者加棗仁泥大黃 如風結燥  
不行者加麻仁大黃以潤之 如風澁而大便  
不行者加煨皂角仁大黃秦艽利之 如脉澁

覺身亦氣澁而大便不通者加郁李仁大黃以  
除風燥 如陰寒症為寒結秘而大便不通以  
局方半硫丸或加炮附子乾姜煎冰冷服之大  
抵用藥之法不惟瘡瘍一家凡諸疾病氣素怯  
弱者當去苦寒之劑多加人參黃耆甘草之類  
以瀉火而補元氣餘皆倣此  
玉燭散 和血通經能使癰癤自消及治室女經  
不行頸多結核

川歸 芍藥 大黃 甘草 熟地 芒硝



黃芩 川芎 各等分每服五錢姜三片水煎服日進一服七八日効

治癰瘰未破者如神百藥不應者累効

杏樹葉陰乾為末五分 人中白煨為末二分半 蝙蝠焙乾為末

二分 白花蛇煨存性二分半 蜜蜂七枚焙為末

右將杏樹葉末用清水調再入四味末藥和勻敷患處却將皮帛一張以針刺孔貼藥上如乾用清水就帛上刷之每一晝夜換藥一次如面上發熱服清涼飲子數帖自退

敗毒癰瘰方神効

白膠香 海螵蛸 降真香用中心無土乾者 右等

分為末搽患處外以濕帛揜之一夕而退

已破者 蜜蜂一枚 蛇退七分半 蜈蚣二條端午取者

右用麻油四兩將前藥入油內以文武火熬成入光粉二兩用棗枝七条如筋大者急攪候冷出火氣七日方可用帛攤貼

已上二方乃鄭義門累驗者不須服藥貼此五七日便消



海藏方 治項後側少陽經中疙瘡不辨肉色不問大小及月日久遠或有赤硬腫痛

生山藥去皮 革麻子一枚 右研勻攤貼之如神

滑溪云山藥生者能消腫硬極佳極佳

清涼餅子 生山慈姑 良姜 等分搗為餅卷

之能散去寒熱 或以生慈姑磨調酒服大妙

此藥大能散癩如神

本事方 治癩癧鼠癧

蝟蝟皮瓦上炒研為末加輕粉乾敷

治頸上核塊動者 夏枯草末六錢 甘草末一錢

右和勻每服一錢至二錢茶清調下

肘後方 治頷下癭癧如梅李大宜速消之

海藻一斤 酒升 浸數日稍飲之

文武膏 治癭癧

桑椹黑熟者二斗以布袋絞取汁瓦器中熬成

膏白湯化下一匙一日三服紅者晒乾為末白

湯調服

結核 獨形而小核者



劉守真云結核者火氣熱甚則鬱結堅硬如菓中核也不須潰發但熱氣散則自消

丹溪云結核或在頸項在臂在身如腫毒者乃痰注於皮裡膜外之間結聚而不散也問其平日好食何物吐下後用藥散之

結核在頸項方

直羌蚕

大黃酒浸

青黛

膽星

各等分

右為末蜜丸噙

結核在下頰 二陳湯加連翹防風川芎酒芩蒼朮皂角刺羌蚕射香行太陰厥陰之積痰使結

核自消甚捷

濟世方

治頰下結核不消經驗方

大蜘蛛不拘幾枚以好酒浸之研爛同浸酌酒去渣臨卧溫熱服之

海藏

生山藥草麻子方佳方在癧門

癭氣

氣結於項久留不去而項為脹大

丹溪曰癭氣先酒斷厚味

海藻

洗一兩

黃連

二兩

右為末以少許置掌上時時舌舐之津咽下如消三之二須止後服



又方 黃栢二兩 海藻一兩 不用黃連亦佳

治瘦氣結核磊々腫硬 昆布一兩 洗去醎為末

每用一錢綿裹於好醋中浸過食之咽津藥味  
盡再噉之

肘後方 治頸下卒結囊欲成瘦 海藻一斤 洗過

酒浸飲之

破結散 治五瘦極佳 麥麵四分 松蘿 半夏

貝母 海藻洗 龍胆草 海蛤 通草

昆布 桔礬各三分 右為末酒服一錢日三忌

鯽魚猪肉五辛生菜毒物二十日愈

玉壺散 治三種瘦 海藻洗 海帶洗 昆布

雷丸各一兩 青鹽 廣茂各五錢

右為末煉蜜丸芡實大噉化

人參化瘦丹 海帶洗 海藻洗 海蛤 昆布

四味皆焙 澤瀉炒 連翹各一兩 猪靨 羊靨各三枚

右為末蜜丸芡實大臨睡噉化一二丸忌油膩

寶金散 治瘦氣無不瘥

猪羊靨十對 煖水洗去脂膜後晒乾為細末 海藻洗 海帶各三兩



丁香 木香 琥珀 研 射香 研各一分 珍珠 研五錢

右先將各味為細末配和勻再重羅過每服一錢熱酒一盞調服夜睡時須垂頭而睡 若童男女十服効 大人一日見効有孕者忌之

海帶丸 治癭久不消 海藻 貝母 陳皮

青皮 各等分 右為末煉蜜丸彈子大食後噙化

一九大効

治癭氣神効方 海藻 海帶 昆布 蒲黃 各三錢

猪鬃子 五枚 焙乾 右為末每服二錢半臨睡以酒

調服且不用枕頭三日

無擇曰癭多着於肩項瘤則隨氣凝結此等皆年數深遠浸大浸長堅硬不可移者名曰石癭皮色不變者名曰肉癭筋脉露結者名曰筋癭赤脉交結者名曰血癭隨憂愁消長者名曰氣癭五癭皆不可妄決破決破則膿血崩潰多致 枉天

瘤

瘤有六骨瘤脂瘤肉瘤膿瘤血瘤粉瘤膿瘤即膠瘤也惟粉瘤與膿瘤可決餘皆不可決潰肉瘤



尤不可治治則殺人

惡癰癘方神驗 素炭灰 束木灰 黃荊灰

桐殼灰各二升半 蕎麥灰炒 右以沸湯淋汁五

碗許澄清入班猫四十箇川山甲五片乳香冰片不拘多少後入煎作二碗以磁器盛之臨用時入新石灰調成膏敷瘤上乾則以清水潤之其効若神

丹溪治丹瘤 草麻子去殼研入麵一匙水調搽之甚妙

消瘤方 用向陽槐枝於菜油灯蓋火上以槐枝

薰熱浸油熨瘤上如法熨數次其瘤自消

腸癰門 附胃脘癰

夫腸癰者乃陰陽偏勝喜怒無時伏於臟腑之中結在腸胃之內血凝氣滯回旋失度不能通行聚結成癰致生腫痛孫真人云卒得腸癰而不曉其病候錯則殺人其病初起覺腹中微痛小腹腫而強抑之則痛小便澁似淋時汗出復惡寒其身皮甲錯腹皮緊急如腫之狀按之濡



或發熱無汗灑淅惡寒皆其候也其脉洪數者為有膿也可下脉遲緊者未有膿不可下也甚者腹脹轉側有水聲或遠臍生瘡汁從臍出或大便下膿血或一足不能舉凡此皆為惡候胃腕瘡者經曰胃脉沉細沉細者氣逆者人迎反盛則熱聚於胃口而不行故胃腕為瘡也治法亦與腸瘡頗同初以疎利之藥導其滯次以排膿消毒托裡之藥調之此其大法也

脉經問曰羽林婦何以知腸有膿師曰脉滑而數滑則為實數則為熱滑則為榮數則為衛、數下降榮滑上升榮衛相干血為敗濁小腹痞堅小便或澁或自汗出或復惡寒膿為已成設脉遲緊則為瘀血血下即安

薏苡附子敗醬散 治身甲錯腹皮急如腹脹本無積聚身熱脉數者 附子炮二 敗醬五分

薏苡錢一 右為末每服一錢水煎頓服小便當下而愈

三因方 苡仁 附子前同 敗醬錢一兩二分



每用四錢水一盞半煎七分去渣空心服

千金大黃牡丹湯 治腸癰小腹痞堅或偏在膀胱

胱左右其色白堅大如掌熱小便自調時自汗

出脉遲堅者未成膿可下之當有血脉數則膿

已成不復可下 大黃兩四 牡丹皮兩三 芒硝

兩二 冬瓜仁升一 薤仁兩五 右水五升煮一

升頓服當下膿血

無擇薤苳湯 腸癰腹中痛煩燥不安或脹滿不

食小便澁婦人產後虛熱多有此病縱非癰但

疑是者便可與或有差亦無妨 冬瓜子兩四

薤苳兩五 牡丹皮 薤仁兩各三 如無冬瓜仁

以瓜萋仁代之每服五錢水煎服 姚氏去薤

仁用杏仁 崔氏加芒硝二兩

醫案曰女子腹痛百方不治脉滑數時作熱腹微

急孫尚診曰腹痛脉當沉細今脉滑數此腸癰

也以雲母膏一兩作丸如梧桐子大用牛皮膠

溶化温酒調膠水吞九子下餉時服尽下膿血

一盆而安



昔一婦人腸中痛不可忍大便從小便中出楊吉  
老之壻李生診之曰夫乳脉見於寸部者乃積  
血在胸令乳見於關乃腸生瘻也乃出雲母膏  
作百十九煎黃耆湯吞下利膿血數升而安  
右腸瘻五方丹溪所集也前三方置於篇首者  
蓋亦腫瘍瀉利例也後二方用膠黃耆煎湯吞  
藥者乃潰瘍補例也

四聖散

一名神効括萎散

治腸瘻、疽五發乳瘻便毒

服之神應

大生瓜萎

一枚去皮

粉草

研末四錢

乳香

研末一錢

沒藥

研末三錢

右用好酒二大盃漫

火煎至一盃分作二次兩日服盡大便順導惡  
物妙 若乾瓜萎則用兩枚若疾甚者再服以  
退為度此方極佳 盃音碗

牡丹皮散

腸瘻冷症腹濡而痛時時利膿

丹皮

人參

天麻

白茯苓

黃耆

木香

川芎

菴仁

去皮尖

川芎

官桂

各三分

白芷

苡仁

甘草

右用水煎溫服

梅仁湯

腸瘻裡急隱痛大便閉澀



梅核仁四十九枚 去皮尖

大黃三兩

牡丹皮一兩七分

冬瓜仁四兩

芒硝二兩

犀角一兩

每服七

錢水煎服下利膿血三兩行為度

神仙躑躅丸

治腸瘕神妙此藥不拘老幼皆可

服之無不取效最止疼痛不動臟腑乃內托之

葉也 方見瘕疽門

丹溪曰腸瘕大腸有熱積死血流注桃仁承氣湯

加連翹秦艽近肛門破入風者難治用防風類之

河間射干湯 治胃脘瘕人逆脉逆而盛嗽膿血

營衛不流熱聚胃口成瘕 梔子仁 赤茯苓

射干

去毛

升麻

各一兩

赤芍

一兩

白朮

五錢

每服五錢水煎將熟入生地黃汁一合蜜半合

再煎溫服不拘時

復元通氣散 治諸氣澁耳聾腹瘕便瘕瘡疽無

頭止痛消腫

青皮

陳皮

各四兩

甘草

三寸半

生半炙

川山甲

炒

瓜蒞根

各二兩

金銀花

一兩

連翹

一兩

右為末熱酒調下



痔漏門

痔者肛門內外有癰脹疼者是也東垣謂濕熱風燥四氣相合而致也痔有五種謂牡痔牝痔脉痔腸痔血痔也古方又有酒痔氣痔虫痔翻花痔鼠妳螻蛄等痔之名不一究其所因亦不過久嗜辛熱炙煇新酒及房勞憂思蘊積熱毒憤鬱之氣所致也或藏於肛門之內或突於肛門之外若蘊毒深者其狀大蘊毒淺者其狀小大者如蓮花鷄冠核莢之狀小者如牛妳鷄心櫻莢之類久而不愈有妨行坐或出鮮血或流膿水則成漏矣治法在外者宜點之洗之在內者宜祛其風而除其濕消其熱而解其毒斯得治之法矣

東垣秦艽蒼朮湯 治痔疾若破謂之痔漏大便秘澁必作大病此由風熱乘食飽不通氣逼大腸而作也受病者燥氣也為病者胃濕也胃刑大腸則化燥火以乘燥熱之實勝風附熱而來是溫熱風燥四氣相合故大腸頭成塊者濕也



作大病者風也若大便燥結者主病兼受火邪也熱結不通去燥屎者其西方肺主諸氣其体收下亦助疾病為邪須當破氣藥兼之治法全矣服之其疾立愈不可作丸以剉湯與之効如

神 秦艽 一錢 澤瀉 三分 蒼朮 製七分 防風根

五分 菝葜仁 去皮一分 當歸根 三分酒洗第 黃柏 去

酒洗 大黃 少許雖大便秘 楨即調服之 細末 皂角

五分 仁 燒存性去皮一錢 右除楨即菝葜仁皂角仁

三味候煎成藥研勻調入外餘咬咀作一服水

三盞煎至一盞二分去查入前三味再上火煎

至一盞空心熱服待少時以美饌壓之不犯胃

氣也服藥日忌生冷硬物及酒麪大料物乾姜

之類犯之則藥無効如有白膿加五朶白葵花

須除萼去心細剪入青皮五分不去白入上藥

同煎又用木香三分為細末同楨即等三味再

上藥同煎依上法服餌古人以此疾多以歲月

除之此藥一服立愈若病久者再服必愈

秦艽白朮丸



秦艽去芦 歸稍洗酒 棗仁酒浸去皮尖 地榆錢三 澤瀉

皂角仁燒存性去皮各半兩 枳實麩炒 白朮各半兩

右為細末和棗仁泥研勻煎熱沸湯麩糊丸鷄豆大焙乾白湯下空心宿食消盡服之少時以美膳壓忌生冷硬物冷水菜并濕麩酒及五辣辛熱大料物之類犯之則藥無驗十服必愈

### 蒼朮澤瀉丸

蒼朮四兩去皮 澤瀉 枳實 秦艽各二兩 地榆

皂角子燒存性各一兩 右為細末燒餅為丸如桐子

大每服三十九丸米飲湯或酒下

一婦人產後痔作瘡有頭如蒜頭大或下鮮血或紫血大便疼與黑神散又多食肉太飽此濕熱

在大腸 郁李仁去皮 麻仁 槐角各錢 枳實

皂角仁五錢為末 蒼朮 歸尾 生地各三錢 大黃

錢一 右分六帖內三仁另研煎服

又方 治痔用鷄冠花不拘多少濃煎湯每服一

盞空心服 本草云鷄冠花性涼治瀉血

丹溪治番花痔頭向上是大腸熱甚收縮為主用



四物解毒加枳殼白朮槐角秦艽

治番花痔 荆芥 防風 朴硝 右煎藥湯洗

之次用木鱉子鬱金研末龍腦些少水調塗上

痔藥膏子治外痔番花脫出黃水不止腫痛病並

用銀潤篋蘸藥塗傳日一次重者五七次立愈

先用藥水洗拭乾却傳此膏用真棄灰不拘多

少淋濃汁兩碗熬至一碗却入草烏片大黃片

各二錢再漫火熬至半碗入甘草一錢數沸下

淨細石灰半匙頭不可多略沸三五次用絹一

重花紙二重如絞漆狀瀝過再熬成膏候冷用

真胆礬五分研極細末放入膏中用瓦器盛貯

封之臨用入龍腦末和勻傳之

治腸痔鱉甲丸 鱉甲 蝟皮炙焦 川山甲炙焦

白礬枯 附子 猪牙皂角各半兩炙焦存性二分

右細末研勻蒸餅丸如桐子大米飲下二十九

食前日三服

又方 槐花炒 白礬枯各一兩 附子五錢 右細末

研勻蒸餅丸如桐子大每服二十九米飲下食



前日三服

丹溪治二十三年不愈者三服止用蓮花蕊散

蓮花蕊 黑牽牛頭末 各一兩半 當歸 半兩 礬紅 少許

右為末先忌食肉五七日空心令食肉一頓就取溫酒下三錢約兩時辰取下膿血或虫是効海藏外臺治五十歲痔不瘥塗熊胆取瘥神効諸方不及此

七聖丸 治大腸疼痛不可忍王叔和云積氣生於脾藏傍大腸疼痛陣難當漸交稍瀉三焦濕

莫漫多方立紀綱

羌活 一兩 檳榔 木香 川芎 桂枝 去皮各半兩

大黃 八錢 郁李仁 去皮另研一兩

右除郁李仁另研外為細末煉蜜丸桐子大驗虛實臨時斟酌丸數白湯下取大便微利一服而愈切禁不得多利大便若大便大行其病甚滋

治鼠痔結核作渴疼痛方

皂角 炙 川山甲 黃耆 荊芥 槐子 木香 蝟皮 鱉甲 醋炒 桔梗 露蜂房 炒焦



芍藥

各一兩

大黃

五錢

右為末煉蜜丸桐子大每服三十九溫酒下食前日三服未止加至四五十丸

治痔疾下血疼痛不止以玩月沙不拘多少慢火熬令黃色為末每二錢入乳香五分空心溫酒調下日三四服瘥

秦艽羌活湯

治痔漏成塊下垂疙瘡不任其痒

升麻根

柴胡

甘草

麻黃根

各五分

黃耆

秦艽

各一錢

防風根

七分

藁本

三分

細辛

炒

紅花

少

羌活根

一錢三分

水煎服

治痔有虫咬穀道痒或下膿血多取槐白皮濃煎汁安盆中坐薰之塞其穀道湯冷更煖之良久欲大便當虫出不過三度即愈如用末綿裹納下部

淋瀝藥

治下部痔腫大腸頭痒痛

葳靈仙

枳殼

各炒一兩

右為粗末熬水薰洗

冷即再煖臨卧避風洗三次挹乾貼蒲黃散

丹溪治腸風痔漏有虫如絲細黑頭取去除根



瞿麥斤半 猪牙皂角寸一

右為末入猪腰子一隻內用米泔煮空心食之

少頃肚痛上攻虫皆隋出作地坑埋之薄粥補之

當歸郁李仁湯 治痔漏大便硬努出大腸頭下

垂多血苦痛不能忍 皂角仁另研細末調服 郁李仁

秦艽各一錢 麻子仁一錢 當歸稍 生地黃

蒼朮各五分 澤瀉分三 枳實分七 大黃三錢

右除皂角仁研細末餘藥剉如麻豆大水三大

盞煎一盞去渣入皂角末調在內空心食前候

宿食消尽服之忌風寒處大小便如欲凉大腸

寬大腸則用枳殼去穰入巴豆鉄線纏煮透去

巴豆入藥用若丸藥則搗爛用煎藥則乾用

治腸痔 每大便下血槐樹上木耳取末之飲服

方寸差日三服良

治腸痔多年不瘥下血不止木賊枳壳各二兩乾

姜一兩六黃一分四味並剉一處入銚子內炒

黑色存性二分搗羅温粟米湯調食前服二錢

七甚妙



治痔漏方

鷄子

一個煮熟去黃取白切炒

明礬

如皂角子大匙

上枯過用三分

右為末用溫湯洗淨拭乾用紙燃點

藥送下瘡孔內立効日三易

又方

川山甲

一兩燒

肉苁蓉仁

三兩

同為末

米飲調二錢服治氣痔膿血甚老刺蝟皮一兩

燒服中病即已不必尽劑

治痔神應散

治五種腸風下血上廁糞前有血

名外痔糞後有血名內痔六腸不收名脫肛穀

道四面有努肉名如痔頭上有孔漏出名腸風

並治之

黃牛角鯁

一枚酌中老槌碎

蛇蛻皮

一條白者

猪牙皂角

七莖

川山甲

七片

刺蝟皮

一兩剉

右五味細剉入甕瓶內以黃泥封固候乾先用

小火燒令烟出後用大火煨令通赤為度取出

攤開候冷搗羅為末服時先令患者臨卧時細

嚼胡桃仁一個如糊用無灰好酒一盞送下不

可言語便睡至五更時以溫酒調下藥末三錢

至辰時更進一服雖年久不過三服立効

丹溪治腸風痔漏如神大樹木上寄生葉取乾為



末酒水米飲任下或丸桐子大服三十九亦可  
千金方 治五痔方蒼耳莖葉以五月五日採乾  
為末水服方寸七或丸桐子大服之立効

洗痔疼 用荆芥朴硝棗寄生定痛解毒去風涼  
大腸熱安胎如腫者加倍子木鱉子研極細調  
服而愈

又方 五倍子朴硝棗寄生蓮房水煎洗一方  
加百藥煎洗

洗痔方 輕者用朝東馬齒莧劉寄奴濃煎湯薰  
待溫却用手洗拭乾重者加大青葉梗乾者一  
半同煎

丹溪治痔瘻用灰莧帶根煎濃湯先薰後洗  
又方 取河水頻洗用蝸牛塗之

一方治痔 用雄鷄胆片腦和勻貼之  
一方 熊胆塗之神効

蒲黃散 治下部痔漏 蒲黃 血竭半兩  
右為細末每用少許貼於患處

薰痔法 蝟皮切方三指大 雄黃束大研 熟艾鷄子大



右為末用瓦器以灰實一半如燒香法安長桶  
內坐其上薰之烟氣從口出為佳凡三度薰永  
瘥勿犯風冷忌鷄肉毒物

丹溪治痔瘡 大蒜十片頭垢捏成餅子先安頭  
垢餅於痔頭上外安蒜片以艾灸之

本事方 治一判官乘驛入駱谷有痔疾因此大  
作其狀如胡瓜貫於腸頭熱如澆灰火至驛僵  
仆主驛吏云此病予曾患來須灸即瘥用柳枝  
濃煎湯先洗痔便以艾炷其上連灸三五壯忽

覺一道熱氣入腸中因轉瀉鮮血穢物一時出  
至痛楚瀉後遂失胡瓜所在登驛而馳去

無擇云腸癖如痔如大澤中有小山突出為痔人  
於九竅中凡有小肉突出皆曰痔不特於肛門  
邊生有鼻痔眼痔牙痔等其狀不一方書分出  
五種曰牡曰牝曰脉曰腸曰氣牝痔者肛邊生  
瘡腫突出一日數枚膿潰即散牡痔者肛邊發  
露肉珠狀如鼠妳時時滴瀆膿血脉痔者腸口  
顆々發癩且痛且痒出血淋漓腸痔者腸內結



挾有血寒熱往來登溷脫肛氣痔者遇恐怒則發肛門腫痛氣散則愈又方有酒痔每遇飲酒發動瘡腫痛而流血血痔則每遇大便清血隋下而不止宜解熱調血順氣為主若久不愈必至穿穴為漏矣

治痔切勿用生砒毒氣入腹反至奄忽忌喫生冷硬物冷菜之類及酒濕麪五辣辛熱大料物及乾姜之類犯之無効此東垣格言也

秦艽防風湯 治痔漏每大便時疼痛

秦艽 防風 歸身 白朮 各一錢半 甘草 炙

澤瀉 六分 黃栢 五分 大黃 煨 陳皮 各三分 柴胡

升麻 各三分 桃仁 卅箇去尖另研 紅花 少許

右水煎空心熱服

烏金散 治痔漏

川山甲 蝟皮性燒存 黃牛角腮 剉碎妙黃 牙皂角

槐子 皂莢刺 枳壳 貫衆 阿膠 各一分 各等

川山甲 炒黑 右為細末每服錢半用胡桃肉爛研併調酒食前服大腸熱荊芥湯下漏血不止前湯下



蝟皮丸 治諸痔出血裡急後重

川芎 川芎 白芍 枳壳各五錢 槐花炒三錢

艾葉炒 地榆 黃蓍 白礬枯 貫衆各半

蝟皮一兩 炙焦 大皂角一條 醋炙 猪後蹄垂甲十箇 炙焦

蜂房炒焦二錢五分 川山甲炒焦二錢五分 皂角刺畧燒一錢五分

一方有蟬退洗淨畧燒二錢 右為末醋糊丸

如桐子大每服七十九

逐瘀湯 治熱痔通利大小便取下黑物

川芎 赤芍 生地 白芷 五靈脂 枳殼

阿膠 蓬木炮 茯苓 茯神 木通

生甘草各一分 大黃生 莢仁去皮各一分半

每服三錢姜三片蜜三匙煎服以利為度汚血

作疼通用

釣腸丸 治久新諸痔肛邊腫疼或痒挾虛寒而

作者 括萎二箇 燒存性 蝟皮剉碎 確內 燒存性 二箇

白礬 綠礬枯 胡桃仁十五箇 燒存性 白附子生

半夏 南星 鷄冠花五兩 燒 枳殼 附子去皮

訶子夫核各二兩 右為末醋麪糊丸梧子大每服



二十九空 心臨卧温酒下

槐角丸 治諸痔出血及痔頭上有孔名瘻

槐角炒一兩 地榆兩八 川歸兩八 黃芩兩八

防風兩八 枳殼兩八 右為末酒糊丸如梧子大

每服五十九米飲下

乾葛湯 治酒痔

白乾葛 枳殼 半夏 茯苓 生地各半兩

黃芩 甘草各一分 杏仁五錢 每服三錢黑豆

百粒姜五片白梅一個水煎服

橘皮湯 治氣痔

陳皮 枳殼 川芎 槐花炒各半兩 枳郎

木香 薤仁 紫蘇莖葉 香附 甘草各錢半

每服三錢姜東煎服

黑玉丹 治腸風及痔漏頭疼不可忍用此去虫

拔根三五服見效 蝟皮剉八兩 猪懸蹄百隻

牛角腮兩八 槐角兩二 雷丸 脂麻各二兩

乱髮皂角煎湯洗培 敗棕剉各二兩 苦練根剉二兩半

右用磁罐內燒存性研細末入乳香一兩射香



四錢研合和勻酒糊丸如桐子大每服五十九  
先細嚼胡桃一枚以溫酒吞下日二服甚者日  
三服空心及食前服

一方 治同上

人參

黃耆

類

生地

川歸

川芎

条芩

升麻

枳殼

槐角

各等分

右為細末麵糊丸

如桐子大每服三十九空心米湯下

敷藥蝸牛膏

蝸牛

一枚

腦子

射香各少許摻

之用磁合盛次早取汁附之

一方

熊胆

錢一

射香

一分

片腦

五厘

共為細末

點田中大螺數枚碗盛候汁出取以點之

一方 寒水石

朴硝

共為末以津調手指點

藥附痔上

一方 蝟皮燒灰生酒油和附

治腸痔下部者

如虫蝕灸末用

一方 治諸痔用川山甲自尾根盡處數除三鱗

不用取第四五大鱗橫三行燒存性為末入射

香少許臘茶一匙同調空心服以澄下濃者附



瘡上其冷如冰冷永不痛大効

肘後方 治漏 蜂房一枚灸黃赤色為末每用

一錢臍猪脂調附瘡上

一方 用兔系子炒黃黑色為末用少許和鷄子

黃調附亦治谷道中赤腫

一用木鱉子槌去油煎湯洗一用槐柳枝煎湯洗

又方 飲酒多之人生痔三黃丸以生地黃汁為

丸空心淡酒吞下三五丸立効

二八通玄丹 梅東先生方

宣連

入兩用茱萸四兩炒去茱萸

川歸

二兩

烏梅肉

槐角

枳殼

各二兩

右為末以雄猪肚一箇洗

淨入藥在內外以韭菜四五斤包其肚用水醋

共數碗煮肚熟為度去韭菜并肚以藥爛搗丸

如桐子大每服空心白湯下五七十九

虫痔 用鰻魚乾燒烟薰之虫尽死而愈

治穀道邊生瘡久不愈者 用鷄內金燒灰存性

研細末乾貼患處如神

皂角煎丸 治內痔漏腸頭裏面生核寒熱往來



滿尺皂角 二挺去弦 煅 刺蝟皮 炙

薏苡仁 各一 白芷 各一 菝葜 去皮 甜葶藶 炒

川芎 桔梗 各半 猪後蹄垂甲 十枚燒 存性

右為細末煉蜜丸如桐子大每服五十九空心

用棗白皮煎湯送下

拔毒散 敷痔腫毒處

大黃 黃蘗 白芨 石羔 黃芩 黃連

白歛 梔子 朴硝 各等分

右為末用井花水調塗

### 湯火門

凡湯火傷急向火炙雜極痛強忍一時即不痛慎勿以冷物塌之及井底泥傳之使熱氣不出爛入肌肉

火燒以好酒洗之再以鹽傳其上如皮塌者以酒熬牛皮膠傳之

熱酒傷用糯米粉炒黑末酒調傳之

治湯火灼未成瘡者用艾白根燒灰鷄子黃和傳之如成瘡用白密封之以竹中取膜貼上日三



治湯火瘡麩皮炒黑灰為末傳上神妙此方有補性始終皆可用

治湯火瘡取舊烹銀爐中燒過焦黃土研細如粉以生姜調於帛上貼之痛止

一方用溶銀鍋子細末油調傳上佳

保生救苦散 治火燒熱油損或至皮肉脫及一切狗咬損傷并刀斧傷用生寒水石不拘多少為極細末調塗之或乾上然不如油調塗其痛立止並不作膿無分毫厘苦楚日近完復永無

破傷風症

冰霜散 治火燒皮爛大痛

寒水石

生

牡礪

朴硝

青黛

輕粉

各等分

右為細末新水或小油調塗立止

治火燒

桐油

水銀

各等分

右二件以柳條不

住手攪成膏再入大黃石羔二末和以牛皮膠入少水溶開外用猫兒肚底毛細剪摻上貼之以青黛傳之妙

治湯火瘡爛者以黃蜀葵花落者淨器收之入水



此少待爛成水傳上神妙

熱油燒外痛以蜜傳之立安 梅師方

治湯火瘡至妙 用劉寄奴為末先以粳米漿鷄  
翎掃傷處後以藥末搽上不痛且無痕大凡湯  
傷先用鹽末摻之護肉不壞然後傳藥

又方以榆白皮末猪脂油塗瘡愈

### 顛撲損傷門

按發明經云夫從高墜下惡血留於內不分十二  
經絡聖人俱作風中肝經留於脇下以中風療

之血者皆肝之所主惡血必歸於肝不問何經  
之傷必留於脇下蓋肝主血故也痛甚則必有  
自汗但人汗出皆為風症諸痛皆屬於肝木况  
敗血凝澁從其所屬入於肝也從高墜下逆其  
所行之血氣非肝而何以破血行經藥治之  
內經云肝脉搏堅而長色不青當病墮若搏因血  
在脇下令入嘔逆金匱云寸口脉浮微而澁然  
當亡血若汗出設不汗出者當身有瘡被刀斧  
所傷亡血故也



金瘡出血脉沉小者生浮大者死

砍瘡出血一二石者脉大二十日死

砍刺出血不止者其脉止脉来大者七日死滑

細者生

從高顛什內有血腹脹滿脉弦者生小弱者死

劉宗厚云按破傷有瘀血在內脉堅強實則生虛

小弱者死若亡血過多脉虛細小者生浮大數

實者死皆為脉病不相應也

子和云諸落馬墜井打撲傷損閃肭損折杖瘡腫

發焮痛不止者可峻下二三十行痛止腫消宜

以通經散導水丸芩藥或加湯劑瀉之後服和

血消腫散毒之藥

劉宗厚曰按子和於墮車落馬杖瘡閃肭者俱用

峻下其有心恙牙關緊急者云是驚涎堵塞於

上俱用三聖散先吐後下其法雖峻然果有經

涎瘀血停留於內焮痛腫脹發於外者亦奏捷

功但於出血過多老弱之人脉虛大者亦當

又曰謹按撲打金刃損傷是不因動氣而病生於外



外受有形之物所傷乃血肉筋骨受病非如六淫七情為病有在氣在血之分也所以損傷一症專從血論但須分其有瘀血停積而亡血過多之症蓋打撲墜墮皮不破而內損者必有瘀血若金刃傷皮出血或致亡血過多二者不可同法而治有瘀血者宜攻利之若亡血者兼補而行之又察其傷有上下輕重淺深之異經絡氣血多少之殊惟宜先逐瘀血通經絡和血止痛然後調氣養血補益胃氣無不効也頃見圍

城中軍士被傷不問頭面手足胸背輕重治者例以大黃芩藥利之後大黃缺少甚者遂以巴豆代之以為不於初時瀉去毒氣後則多致危殆至於略人手指亦悉以藥利之殊不知大黃之藥惟與有瘀血者相宜其有亡血過多元氣胃氣虛弱之人不可服也其巴豆大熱有毒止能破堅逐積用於此疾尤非切當所以有服下藥過後其脉愈見堅大治者不察又以為瘀血未盡而復下之因而夭折人命可不慎歟



凡損傷切不可食冷水血見寒則凝但一系血人心即死攻以下瘀血之劑治之

全體治馬墜及一切筋骨損方

大黃一兩酒浸 緋帛如手大燒存性 亂髮如鷄子大燒存性

炊單布一尺燒灰 敗蒲二寸一把 桃仁四十九粒去皮尖

甘草炙如中指節 七味以童便煎成入酒一犬盞

次下大黃去滓分溫三服先剉敗蒲席半領煎

湯浴衣被覆斯須通利痛楚立瘥

復元活血湯 從高墜下惡血留於脇下疼痛實

不可忍 柴胡錢五 當歸錢六 甘草 川山甲

炮各錢 大黃一兩酒浸 菝仁五十枚去皮尖 紅花

瓜蒌根各二錢 右件桃仁研爛剉如豆大每服

一兩水二中半酒半中煎至七分食前服以利

為度得利後痛或不尽服乳香神應散

靈樞云墜墮惡血留於脇下則傷肝膽之經行

於脇下屬厥陰少陽宜以柴胡為引用為君以

當歸活血脈又急者痛也以甘草緩其急亦能

生新血陽生陰長故也為臣川山甲括萎根桃



仁紅花破血潤血為之佐大黃酒製以蕩滌敗血為之使

當歸真滯散 治損傷瘀血大便不通紅腫暗青疼痛昏悶畜血內壅欲死

大黃一兩 當歸三錢 射香少許 右二味為細末

入射香和勻每服三錢熱酒調下其瘀血自下若骨節傷折疼痛以定痛接骨紫金丹治之

定痛乳香神應散 東垣方 治從高墜下疼痛不可忍及腹中疼痛 乳香 沒藥 雄黑豆

桑白皮 獨科栗子各一兩 破故帛炒二兩

當歸一兩 水蛭半兩 右為末每服五錢醋一盞沙石器內煎至六分入射香少許溫服

定痛接骨紫金丹

麝香 沒藥 紅娘子各一錢半 烏藥二錢

地龍去土二錢半 川烏 草烏炮各一兩 五靈脂半兩

木鱉子去壳半兩 茴香二錢 黑丑五分 骨碎補

威靈仙 金毛狗脊 防風 自然銅醋淬

各五錢 禹餘糧四錢 陳皮 青皮各二錢五分



右為細末醋糊丸桐子大每服十九至二十九  
溫酒送下

三因鷄鳴散 從高墜下及木石所壓凡是損傷

瘀血凝滯疼痛欲死兼以此藥推陳致新神效

此方治血滯於肺部氣分也 大黃酒浸一兩

杏仁三十粒去皮尖 右研細酒一碗煎至六分去滓

鷄鳴時服至晚取下瘀血即愈若便覺氣絕取  
藥不及急劈開口以熱小便灌之

王海藏云若登高墜下撞打及傷心腹胸中積血

不散以上中下三焦部分分之以易老犀角地

黃湯桃仁承氣湯抵當湯丸之類下之亦有以

小便同煎治之者更有內加生地當歸煎服者

亦有加大黃者惟智者擇之

潔古巴戟湯 治從高墜下及打撲內損昏冒嗜

卧不能飲食此謂血閉臟腑不通 巴戟去心

大黃各半兩 當歸 地黃 芍藥 川芎各一兩

右水煎以利為度

嚴氏奪命散 治刀刃所傷及從高墜下木石壓



損瘀血凝滯心腹疼痛大小便不通

水蛭

用石灰拌慢火炒令黃色半兩

黑丑

二兩

右為末每服

二錢熱酒調下約行四五里再用熱酒調黑丑

末二錢催之須下惡血成塊以及為度

破血止痛行經之劑

破血散 治乘馬損傷跌其脊骨惡血留於脇下

其痛苦楚不能轉側

羌活 防風 桂枝 柴胡 連翹

歸稍

錢二 水蛭炒燂研一錢

射香

少許另研

右分作二服每服二大錢酒水一盞除水蛭射

香外另研如坭煎餘藥一大盞調二味食前服

地龍散 治腰痛或打撲損傷從高墜下惡血

留於太陽經中令人腰脊或脛膕臂腰中痛不

可忍 中桂 地龍 羌活 黃柏

甘草 蘇木 麻黃 桃仁

歸稍 每服五錢水煎服

三因加味芎藭湯 治打傷敗血入胃嘔吐黑血

川芎 當歸 白芍 百合 荊芥穗



右水酒各半煎服

元戎加味四物湯 治虛人損傷不禁下者

四物湯加川山甲水煎服

花蓋石散 治一切金刃箭鏃傷及打撲傷損猶  
犬咬傷或至死血瘀傷處以藥摻之其血化為  
黃水再摻藥便活不疼痛如內損血入臟腑煎  
童子小便入酒少許調一大盞服之立効若牛  
舐腸出不損者急納腸入用細系或桑白皮為  
線縫合肚皮縫上摻藥血止立活如無桑白皮

用生麻縷亦可並不可封裏瘡口恐作膿血如  
瘡乾以津液潤之然後摻藥婦人產後敗血不  
盡血迷血暈惡血奔心胎死腹中胎衣不下至  
死者但心後覺煖急以童子小便調一盞取下  
惡物如肝片終身不患血風血氣症若膈上有  
血化為黃水即時吐出或隨大便出

石硫黃

兩四

花蓋石

兩二

右二味相拌合勻先

用帛筋和鹽坭固濟瓦礫子一箇內可容藥候  
坭乾入藥在內再用坭封口候乾安在四方磚



上上書八卦五行字用炭一秤籠疊周匝自己  
午時從下着火漸上徹直至經宿火冷炭尽  
又經宿出確細研以絹羅子篩極細磁盒盛之  
依法使用

雜方

本事方 治打撲墜損惡血攻心悶亂疼痛水仙  
散未展荷葉陰乾一味為末食前以熱童便一  
盞調下三錢以利下惡物為度

經驗方

治打撲損筋傷骨折

黃栢一兩

兩

半夏五

半

右為細末用生姜自然汁

調如稀糊敷以帛花貼如乾再敷如骨折先以  
絹帛封縛次用杉樹皮夾定良久痛止即瘁  
熱乃是血活筋骨復舊輕者三五日重者不過  
旬日矣

本事方

治跌仆傷筋損骨痛不可忍

此方乃神  
龜相授

生地為

未

藏瓜姜糖

各一  
斤

生地

四兩  
切

右都炒令勻熱以布裹傷折處冷則易之

神  
効

治打撲內損筋骨疼痛



乳香 沒藥 芍藥 川芎 川椒去子及開口者

當歸各半兩 自然銅煨三錢 右為細末用黃蠟

四兩溶開入藥末不住手攪勻濕丸如彈子大

每服一丸用好酒煎開消盡乘熱一服吃盡看

何處痛向痛處卧霎時服三五丸立効

衍義云 沒藥通滯血打傷撲損疼痛皆以酒化

服夫血滯道而行之則痛腫消焉

肘後方 治被打瘀血在骨節下出者

生鉄一斤 酒五升煎取一升飲之

丹溪治一人因上山惡血瘀入內損傷食少脉絃

治宜活血和氣

川芎三錢 青皮二錢 芍藥 活石各一錢 丹皮五分

炙甘草一錢 桃仁七枚 水煎服之

綴耳鼻法 治擦落耳鼻用髮入碓子塩坭固濟

煨為末乘急以所擦落耳鼻蘸灰綴定以軟帛

縛定立効

肩穿法 凡負重擔肩破者剪猫兒頭上毛不語

唾粘之



遠行脚打泡 以生麪水調為糊貼過夜即乾不

可擦破

又方用飯粘搗貼以帛覆之過夜次日平復効

抵金用 跌撲傷損閃扭出骨竅等症

蚕沙炒黃

菘豆粉

炒黃各四兩

枯礬

二兩四錢

右為末醱醋調敷患處厚帛貼之絹帛紮換

敷三四次即愈忌產婦

秘傳神効散 治跌撲損傷骨折骨碎筋斷疼痛

不可忍者此藥極能理傷續斷累驗若神

用路上或墻脚下過往人便溺處經久碎瓦片

取來洗淨火煨醋淬五七次瓦黃色為度以刀

刮細末每服三錢好酒調服不可以藥微賤而

輕忽其功也

一字散 治跌撲傷損功效同前

半兩錢

五枚火煨醋淬四十九次

甜瓜子仁

五錢

珍珠

二錢

右為末每服一字好酒調下

治跌撲傷損 用蟹二隻連殼搗爛好酒二碗漚

煎去渣飲之留渣敷患處



治損傷神効 治跌傷骨折急取雄鷄一隻量患  
人酒量多少成一碗半碗將鷄刺血於酒中溫  
之令患人熱飲其痛立止驗甚

### 癘風

內經云脉風成癘此疾非止肺腎二臟有之以其  
病發於鼻俗呼為肺風也鼻準赤而脹大乃血  
隨氣化也氣不施則血聚血聚則肉潰而生虫  
此屬厥陰當以藥疎之可用局方升麻湯下錢  
氏瀉青丸是也餘病各隨經而治之癘風成癩  
搯皮散主之從少至多服五七月後灸承漿七  
壯瘡愈勿止藥再灸同止 承漿一名懸漿在  
唇下宛宛中足陽明任脉之會療偏風口喎面